

Fjármálaleikar



Evrópukeppni í fjármálalæsi milli grunnskóla í Evrópu fer fram á vorin ár hvert. Evrópsku bankasamtökin standa að keppninni þar sem fulltrúar um þrjátíu Evrópulanda taka þátt. Undankeppnir eru haldnar í hverju þátttökulandi í tengslum við árlega alþjóðlega fjármálalæsisviku. Á Íslandi eru það **Fjármálaleikar** milli grunnskóla sem haldnir verða **dagana 9. – 18. mars 2022.**

Nemendur í 10. bekk hér á landi fá þá tækifæri til að taka þátt í Fjármálaleikunum og keppa í nafni síns skóla, en sá skóli sigrar sem fær hlutfallslega flest stig.

[Fjármálavit](#) stendur að Fjármálaleikunum fyrir hönd nemenda á Íslandi en að baki Fjármálavits standa Samtök fjármálafyrirtækja með stuðningi Landssamtaka lífeyrissjóða.

Fjármálavit er vettvangur fræðslu í fjármálalæsi og er tilgangurinn að veita kennurum innblástur í kennslu og stuðla að auknu vægi fjármálalæsis þegar kemur að kennslu í grunn- og framhaldsskólum

Reglur um þátttöku

Fjármálaleikar eru netspurningaleikur þar sem hver þátttakandi skráir sig til leiks á vefslóðinni Fjarmalaleikar.is. Við skráningu gefur þátttakandi upp nafn, aldur, netfang og heiti skóla og þar með er viðkomandi skóli orðinn þátttakandi í leiknum.

Sérstakur hnappur er fyrir kennara sem vilja fylgjast með gangi leikanna – þeir skrá sig þá til leiks í „Kennaraskólann“.

Ekki þurfa allir nemendur í árgangi að skrá þátttöku til að viðkomandi skóli teljist með, en lágmarksfjöldi skráðra þátttakenda úr hverjum skóla er tíu og í fámennum skólum geta fleiri en einn árgangur spilað til að fylla upp í þá tölu.

Árangur hvers skóla er reiknaður hlutfallslega miðað við fjölda þátttakenda og fjölda nemenda í árganginum.

Niðurstöður verða eingöngu teknar saman hjá þeim nemendum sem klára að svara öllum spurningunum.

Markmiðið með Fjármálaleikunum er að fá sem flesta til að vera með og því getur verið gott að leyfa nemendum að vinna saman í litlum hópum ef einhverjir treysta sér ekki til að vera einir af ótta t.d. við að draga heildina niður ef illa gengur. Einn nemandi skráir sig þá fyrir hönd síns hóps.

Þátttakendur geta spilað hvenær sem er á tímabilinu, tekið hlé á spilun og byrjað aftur þar sem frá var horfið. Hér skiptir hópeflið máli, að vera ekki fljótfer og að klára allar spurningar.

Á meðan á leik stendur sjá þátttakendur hvaða skólar keppast um efstu sætin. Þegar leikurinn klárast á miðnætti síðasta leikdags verður lokað fyrir frekari spilun og farið í það að sannreyna að skráðir þátttakendur séu allir í þeim skólum sem þeir skrá sig til leiks fyrir og óæskilegir þátttakendur hreinsaðir út ef þeir eru.

Þetta getur breytt upphaflegum úrslitum og verða þau því ekki endanlega ljós fyrr en daginn eftir.

Evrópukeppni

Sá skóli sem sigrar Fjármálaleikana sendir venjulega tvo nemendur til Brussel ásamt kennara til að taka þátt í úrslitum Evrópukeppninnar í fjármálalæsi í Brussel.

Vegna Covidaðstæðna í ár verður Evrópukeppnin á rafrænu formi en keppendur munu svara spruningum á íslensku í Kahoot forritinu – keppnin milli landa fer fram á sama tíma **10. maí 2022.**

Verðlaun í Evrópukeppninni:

Fyrsta sæti – 3000 evrur

Annað sæti - 2000 evrur

Þriðja sæti – 1000 evrur

Fimm efstu löndin fá að auki ferð til Brussel í júní.

Viðauki 1

Fræðslustefna

Samtök fjármálafyrirtækja reka verkefnið Fjármálavit með stuðningi Landsamtaka lífeyrissjóða. Í tengslum við verkefnið er unnið með ákveðnar persónuupplýsingar af hálfu samtakanna og er þeirri vinnslu lýst í þessari stefnu.

Með persónuupplýsingum er átt við upplýsingar um þig, t.d. nafnið þitt og myndir af þér.

Fjármálaleikar

Árlega stendur Fjármálavit fyrir fjármálaleikum þar sem unglingar keppa fyrir hönd síns grunnskóla í fjármálalæsi.

Hvaða upplýsingar er unnið með um þig og í hvaða tilgangi?

Til þess að taka þátt í fjármálaleikunum þurfa **keppendur** að skrá sig inn á vefsíðunni www.fjarmalaleikar.is og gefa upp nafn sitt, aldur, netfang og nafn skóla. Auk þessara upplýsinga vinna samtökin með upplýsingar um stigafjölda keppanda í leikunum.

Við skráningu á mögulegri þátttöku skóla fyrir keppnina er það yfirleitt **kennari** eða **skólastjórnandi** sem skráir skóla til leiks. Við slíka skráningu er óskað eftir upplýsingum um nafn og netfang þess sem sendir inn skráninguna auk þess sem viðkomandi getur sent samtökunum skilaboð.

Þegar leikunum er lokið reikna samtökin stigafjölda hvers skóla fyrir sig á grundvelli stigafjölda keppenda. Þá draga samtökin jafnframt út keppendur sem fá afhent þátttökuverðlaun.

Þessi vinnsla er nauðsynleg svo samtökin geti haldið keppnina og keppendur geti tekið þátt fyrir hönd síns skóla. Milli keppanda og samtakanna er þannig gerður eins konar samningur og á grundvelli hans er unnið með upplýsingar keppanda.

Sá skóli sem sigrar getur gefið tveimur nemendum tækifæri til að taka þátt í úrslitum Evrópukeppninnar í fjármálalæsi í Brussel ásamt kennara. Samtökunum kann að vera nauðsynlegt að vinna með viðbótarupplýsingar um þá aðila en um þá vinnslu er gerður sérstakur samningur.

Þegar fjármálaleikarnir eru búnir er ekki bara spennandi að skoða hvaða skóli stóð sig best heldur er líka áhugavert að skoða hvort skólar í einstökum landshlutum hafi staðið sig betur en aðrir, hvort strákar eða stelpur stóðu sig betur og aðrar sambærilegar upplýsingar. Samtökin vinna þannig líka svona tölfræðiupplýsingar en þær er ekki hægt að tengja við einstaka keppendur.

Um afhendingu á upplýsingunum þínum.

Samtökin afhenda ekki neinum óviðkomandi upplýsingar um þig. Foreldrar þínir eða forráðamenn geta þó óskað eftir þeim upplýsingum sem við vinnum um þig og verða samtökin að verða við slíkri beiðni.

Stjórnvöld og dómstólar geta einnig óskað eftir þeim upplýsingum sem samtökin vinna.

Samtökin afhenda ekki skólanum þínum eða öðrum niðurstöður um frammistöðu þína í leikunum nema að þú samþykkir það sérstaklega. Að öðru leyti afhenda samtökin aðeins upplýsingar um heildarframmistöðu hvers skóla og tölfræðiupplýsingar. Til þess að geta sannreynt hvaða nemendur tilheyra hvaða skóla afhenda samtökin hverjum skóla þó lista yfir nöfn þeirra keppanda sem keppt hafa fyrir hönd skólans.

Til þess að geta haldið fjármálaleikana fá samtökin tæknilega aðstoð frá utanaðkomandi aðila auk þess sem gagnagrunnur samtakanna er geymdur (hýstur) hjá tölvuþjónustufyrirtæki. Samtökin hafa gert sérstaka samninga við þessa aðila þar sem öryggi upplýsinganna er tryggt og trúnaður þeirra.

Hvað geymum við upplýsingarnar lengi?

Samtökin geyma upplýsingar þínar í 6 mánuði eftir að leikunum er lokið. Þá er persónuupplýsingunum eytt og aðeins unnið með heildarstigafjölda hvers skóla og tölfræðiupplýsingar.

Heimsóknir í skóla og myndatökur

Samtök fjármálafyrirtækja heimsækja marga 10. bekki í grunnskólum landsins og spjalla við nemendur um fjármálalæsi.

Fyrir heimsókn samtakanna eru kennarar eða skólastjórnendur hvattir til að upplýsa forráðamenn um fyrirhugaða heimsókn.

Í heimsóknunum óska samtökin stundum eftir því að fá að taka myndir af nemendum til að birta á vefsíðu sinni, í kynningum og á samfélagsmiðlum. Samtökin taka ekki myndir né birta þær nema að hafa fengið samþykki frá nemendum og eftir atvikum forráðamönnum þeirra.

Ef þú vilt draga samþykki sem þú hefur gefið okkur til baka getur þú hvenær sem er haft samband við samtökin og við hættem þá að nota myndir af þér.

Vilt þú vita meira?

Þú átt ákveðin réttindi og getur stjórnað þínum upplýsingum

Þú getur hvenær sem er sent okkur fyrirspurn og óskað eftir:

- að við útskýrum betur fyrir þér hvernig við vinnum með upplýsingarnar þínar,
- að við látum þig eða annan aðila sem þú tilnefmir fá afrit af upplýsingunum þínum,
- að við breytum upplýsingum um þig eða leiðréttum séu þær rangar eða ófullnægjandi,
- að við eyðum upplýsingunum þínum, og/eða
- að afturkalla samþykki sem þú hefur veitt okkur

Samtökin halda vel utan um upplýsingarnar þínar og passa að enginn óviðkomandi fái aðgang að þeim. Ef eitthvað fer úrskeiðis munum við láta þig vita.

Um okkur og hvernig þú getur haft samband.

Ef þú hefur einhverjar spurningar hvetjum við þig til að hafa samband við okkur í gegnum netfangið fjarmalavit@fjarmalavit.is eða með því að hringja í okkur í síma 5910400.

Samtökin hafa aðsetur í Húsi atvinnulífsins, Borgartúni 35, 105 Reykjavík.

Þú getur líka haft samband við Persónuvernd sem fer með eftirlit með vinnslu allra fyrirtækja og stofnana á persónuupplýsingum ef þú ert ósátt/ur við vinnslu samtakanna á upplýsingum þínum. Þú getur fundið nánari upplýsingar um Persónuvernd inn á vefsíðunni www.personuvernd.is eða hringt í síma 5109600.

